



Uunga Inatsisartunut ilaasortaq
Eqaluk Høegh
IA

20-12-2022
Suliap normua 2021 - 8786
Allagaq 22000149

Postboks 260
3900 Nuuk
Oqa. (+299) 34 50 00
Nassitsigasuaat (+299) 34 66 66
E-mail: iian@nanoq.gl
www.naalakkersuisut.gl

Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarut pillugu § 37 naapertorlugu apeqqummut nr. 222-mut akissuteqaat

Asasara Eqaluk Høegh.

Apeqqutinut qujanaq. Apeqqutit ataasiakkaarlugit ataani tulleriiaarlugit akissuteqarfigineqarput.

- 1. Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarut 2023-2030 pillugu, Naalakkersuisut isumaqarpat qitiusumik allaffeqarfimmit suliniutit aallartinneqarsimasut aallartinneqartussalluunniit kisiisa aallaaviginerisigut iliuusissatut pilersaarummik suliaqarsimanerat namminermi Inatsisartut upernaakkut 2020-mi iliuusissatut pilersaarusiortoqarnissaa pillugu akuersissuteqarnerat1 suliakkiinerallu malillugu nuna tamakkerlugu iliuusissatut pilersaarummik suliaqarsimallutik?**

Siuliani naalakkersuisuusimasut Inatsisartuusimasunit peqquneqarput Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarusiyoqullugit. Inatsisartunut 2021-mi qinersisoqareermat Naalakkersuisut nutaat aalajangerput Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarusiorniartut. Iliuusissatut pilersaarut taamaammat suliakkiissutaanngilaq.

Naalakkersuisulli iliuusissatut pilersaarusiornermi aalajangiinissamik siunnersuut (UPA2020 imm. 35) tunaartarisimavaat. Naalakkersuisut isumaqarput aalajangiinissamut siunnersuut malissimallugu. Iliuusissatut pilersaarut meeqqanut tamanut sammitinneqarpoq, kalaallit atugaannik aallaaveqarluni suliarineqarneranullu atatillugu meeqqat kommuninilu sulianik suliaqartut peqataatinneqarsimallutik. Iliuusissatut pilersaarummi meeqqat ingerlataqartut qitiutillugit kiisalu kommunit aamma Tilioq MIO-lu malinnaatitatut ilisimasalittullu suleqataanissaat atuutilersitsiniarluni ilusilersuinermi pilersaarutigineqarpoq.

- 2. Nuna tamakkerlugu iliuusissamik pilersaarutissamut Meeqqat Inassuteqaataat2 malillugit Naalakkersuisut Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarut 2023-2030 suliaqarnerminni tamakkiisumik malinnissamallutik isumaqarpat**

Aap. Iliuusissatut pilersaarutip ilusilersorneqarnerani MIO-p saqqummersitaa "Naalagaaffiit Peqatigiit Meeqqat Pisinnaatitaaffii pillugit Isumaqatigiissutaannik Kalaallit Nunaanni atuutilersitsiniarnissamut nuna tamakkerlugu iliuusissamik pilersaarutissamut meeqqat inassuteqaataat"



isumassarsiorfigineqarpoq. Sammisat meeqqanit pingaartinneqartut iliuusissatut pilersaarummi sammineqartuni ilaatinneqarnissaat qulakkeerniarlugu taamaaliortoqarpoq.

a. Taamaangippat, sutigut meeqqat inassuteqaataannik malinnissimappat?

Apeqqu 2-mut akissuteqaat innersuussutigineqarpoq.

3. Naalakkersuisut kommuneqarfinni tamaginni kommunalbestyrelsimi ilaasortat peqatigalugit peqataatillugilluunniit Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarut 2023-2030 pillugu suliaqarsimappat?

Naalakkersuisut iliuusissatut pilersaarusionermermi kommuni sulianik suliaqartut peqataatissimavaat.

Iliuusissatut pilersaarummi immikkoortumi 3.3.1-imi allassimasutut iliuusissatut pilersaarutip Atuutilersinnissaanut peqataatitsinissamik 2023-p aallartinnerani pilersaarusiortoqassaaq. Kommunit, soqutigisallit najukkanilu innuttaasut peqataatinneqarnissaat immikkut ukkatarineqarpoq.

Peqataatitsinissamik pilersaarummi malinnaatitat immikkullu ilisimasallit aamma pilersinneqassapput.

Peqataatitsinermut pilersaarutip iliuusissatut pilersaarummi saqqummiunneqartunik tullerijaaarnermi, suliniutit nutaat inerisarneranni atuutilersinneqarnerannilu innuttaasut kommunillu peqataatinneqarnissaat qulakkiissavaa.

Immikkoortoq 3.3 aamma allassimavoq malinnaatitat immikkullu ilisimasallit siunnersuinerat naapertorlugu aqutsisoqatigiit suliniutinik iliuusissatut pilersaarummi allassimasunik nalimmassaasinnaasut.

a. Taamaappat, qanoq kommunalbestyrelsimi ilaasortat matumani peqataatinneqarsimappat?

Apeqqu 3-mut akissuteqaat innersuussutigineqarpoq.

4. Naalakkersuisut nunatsinni borgmesterit qanimut peqatigalugit Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarut 2023-2030 pillugu suliaqarsimappat?

Naagga.

a. Taamaappat, taava suut taakkunannga iliuusissatut pilersaarummi anguniagassatut naqissuserneqarsimappat?

Apeqqu 4-mut akissuteqaat innersuussutigineqarpoq.

5. Naalakkersuisut Meeqqat tapersersorneqarnissaannut Inatsisartut inatsisaat nr. 20, 26. juni 2017-imeersoq, § 3 Imm. 3 ilaatigut najoqqutaralugu Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarut 2023-2030 pillugu suliaqarsimanerlutik?

Naagga. Meeqqat tapersersorneqarnissaannut Inatsisartut inatsisaanni nr. 20, 26. juni 2017-imeersumi § 3, imm. 3-p atuutilersinneqarnissaa kommunit akisussaaffigaat.

a. Naalakkersuisut Meeqqat tapersersorneqarnissaannut Inatsisartut inatsisaat nr. 20, 26. juni 2017-imeersoq, § 3 Imm. 3 pillugu kommuneqarfinni tamaginni tamanna malinneqarsimanersoq malinneqarsimanginnorsorluunniit ilisimasaqarpat?



Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq, § 3 imm. 3 tamakkiisumik malinneqarnersoq, kommunit nittartagaanni takuneqarsinnaangilaq. Inatsimmi § 3, imm. 3-mik kommunit malinninnissaminnik pisussaaffeqarnertik pillugu Naalakkersuisut kommuninut eqqumaffigineqqullutik erseqqissaateqarniarput.

6. Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarut 2023-2030 malillugu maannakkut aningaasaqarnikkut sinaakkusiussat iluani atulersinneqarsinnaasut sorpiaat pineqarpat?

a. Allalli suut aningaasanik allanik pisariaqartitsippat?

Suliniutit 2023-mi aallartinneqartussat sinaakkusiussat iluanni aningaasaliiffigineqassapput. Naalakkersuisut ingerlaavartumik ukiumut aningaasaliissutissanik sinaakkusiussat iluanni ujarlertarniarput imaluunniit ukiumi aningaasanut inatsiseqarfiusumi tulliuuttumi AIS-imut immikkoortitsiniarput.

b. Qanorlu aningaasaliissutit amerlatigisut matumani pineqarpat?

Apeqqut 6.a-mut akissuteqaat innersuussutigineqarpoq.

7. Sunamita pequtaava Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarut 2023-2030 pillugu tusarniaassutigineqarmat tusarniaanermi akisussutit pillugit Naalakkersuisut nittartagaanni atuarneqarsinnaangimmata?

Naalakkersuisut tusarniaassutigineqartunut nittartagaanni inatsisissatut nalunaarutissatullu siunnersuutigineqartut tamarmik, tusarniaanerni soqutigisalinnut nassiunnerisa saniatigut, tassani tusarniutigineqartarnissaat siunertaavoq. Tusarniaassutigineqartunut nittartakkami periusissiat, iliuusissatut pilersaarutit, nassuiaatit il.il. siunertanut ilaatinneqangillat.

Kisianni Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarut 2023-2030 tusarniutigineqarsimavoq. Takuuk ilanngussaq 1.

8. Kommunit, soqutigisaqatigiit sumiiffigisamilu innuttaasut Inuit Innarluutillit pillugit Naalagaaffiit Peqatigiit isumaqatigiissutaata malinneqarnissaanut iliuusissatut pilersaarummik atulersitsinissamut atatillugu akuutinneqarnissaat aqutsisoqatigiit qanoq pilersaarusiorsimappat?

Inuit Innarluutillit pillugit Naalagaaffiit Peqatigiit Isumaqatigiissutaasa malinneqarnissaannut iliuusissatut pilersaarutissaq suliarineqaleruttorpoq. Naalakkersuisut taamaammat iliuusissatut pilersaarutip atuutilersinnissaanut aalajangersimasumik pilersaaruteqangillat. Tamatuma iliuusissatullu pilersaarutit allat pillugit kommunit soqutigisaqatigiiffiillu suleqatigineqarnissaat Naalakkersuisunit pingaartinneqarpoq.

a. Imaappa Inuit Innarluutillit pillugit Naalagaaffiit Peqatigiit isumaqatigiissutaata malinneqarnissaanut iliuusissatut pilersaarutissaq upernaakkut 2023-mi saqqummiunneqartussa qanoq maanna Naalakkersuisut naammassereersimagaat?

Naagga.

b. Apeqqut 8.a malillugu assinganik Meeqqat pisinnaatitaaffii pillugit Naalagaaffiit Peqatigiit isumaqatigiissutaata malinneqarnissaanut akuutitsisarnernissamut pilersaarummik aqutsisoqatigiinniit saqqummiisoqarsimanerluni



pilersitsisoqarsimanerluniluunniit? Taamaappallu, qanoq taava namminermi matumani pilersaarut imaqarpa qanorlu piumasaqaateqarpa?

Apeqput 3-mut akissuteqaat innersuussutigineqarpoq.

9. Naalakkersuisut Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarut 2023-2030 pillugu ingerlaavartumik nutartigassaasutut suliaq ingerlanneqartarnissaa pilersaarutigaat?

Iliuusissatut pilersaarummi immikkoortotami 3.3-mi allassimavoq, Naalagaaffiit Peqatigiit Meeqqat Pisinnaatitaaffii pillugit Isumaqatigiissutaasa malinneqarnissaannut iliuusissatut pilersaarutit atuutilersinneqarneranut atatillugu aqutsisoqatigiinnik kiisalu malittaatanik ilisimasalinnillu pilersitsisoqassasoq.

Malinnaatitat immikkullu ilisimasallit suliassarissavaat *"ilisimasanik aqutsisoqatigiinnut pilersuissapput, aamma piukkunnaateqartumik ilaatitsinermut sumiiffinnullu tulluarsaanermut inassuteqassallutik. Taakku aamma iliuusissatut pilersaarutit atulersinniarlugu sulinermik nakkutiginnissapput"*.

Aqutsisoqatigiit *"piffissap ingerlanerani aqutsisoqatigiit, aamma avataanit malinnaatitanut immikkut ilisimasalinnit ilitsersuisoqarluni, suliniutinik iluarsaasinnaassapput. Iluarsiineq, suliniutit iluarsineqarpata, meeqqat pitsaasumik inuuneqarnerat pitsaanerusumik atuutilersinneqarsinnaanerata qulakkeerneqarneranik tunngavilersorneqassapput. Aqutsisoqatigiit taamaalillutik siunertaq malillugu suliniutit ingerlanerannik ingerlaavartumik nakkutiginninnermut akisussaapput"*.

Ataavartumik nakkutillineq iliuusissatut pilersaarummi suliniutinik iluarsinermik nassataqarsinnaavoq.

a. Taamaappallu, taassumunnga atatillugu malitseqartitsilluni paasissutissiisarnissamut immikkut Naalakkersuisut periuseqarniarpat?

Apeqput 9-mut akissuteqaat innersuussutigineqarpoq.

b. Qanorlu taassumunnga periuseqarniarpat?

Suliniutinik aalajangersimasunik iluarsinissamik suli pilersaaruteqartoqanngilaq atuutilersitsineq 2023-mi aallartittussaamat iluarsinerlu atuutilersitsinermik nakkutillinermik tunngaveqartussaalluni.

10. Naalakkersuisut iliuusissatut pilersaarummi suliniutit pillugit tullerriaarineq aammalu suliniutit atulersinnissaasa qulakkeerneqarnissaat pillugu aqutsisoqatigiinnut akisussaatisinerat namminermi naapertuuttut tamanna isumaqarfigaat?

Iliuusissatut pilersaarummi immikkoortuni 3.3-mi aamma 3.3.1-imi allassimavoq, iliuusissatut pilersaarummi suliniutit nutaat tullerriaarlugillu inerisarlugillu atuutilersinneqarneranni meeqqat sinniisaat, kommunit, soqutigisallit najukkanilu suliaqartut ilanngussaqaasat.

a. Naalakkersuisut nammineerlutik suliniutit piviusunngortinneqarnissaasa qulakkeerneqarnissaat qulakkeerumallugu periuseqarniarpat?

Suleqataasut attuumassuteqartut suleqatigalugit Naalakkersuisut iliuusissatut pilersaarummi suliniutinik piviusunngortitsiniarput.

b. Aamma assersuutigalugu aalajangersimasumik killiffissiuissarnissartik malitseqartitsisarnissartilugu pilersaarutigaat?

Apeqput 9-mut 10-mullu akissuteqaat innersuussutigineqarput.

Inussiarnersumik inuulluaqqusillunga

Mimi Karlsen